


**OBSERVATIONES  
CHEMICÆ ET  
MINERALOGICÆ QUAS  
INCLYTI ORDINIS  
MEDICI CONSENSU...**

---

Christian Ehrenfried Weigel



SACRAE REGIAE MAIESTATIS SVECICAE

AB INTIMA FIDE

D O M I N O

C O M I T I

H A N S H E I N R I C H

de L I E W E N

REGIS REGNIQUE SVECICAE SENATORI  
EXCELLENTISSIMO

SVMMO POMERANIAE SVECICAE ITEMQUE RVGIAE GVBERNATORI  
ILLVSTRISSIMO

ACADEMIAE REGIAE GRYPHISWALDENSIS  
CANCELLARIO CELSISSIMO

OMNIVM ORDINVM REGIORVM SVECICORVM EQVITI  
ET COMMENDATORI DIGNISSIMO

MAECENATI OPTIMO

mentalis, matheſeosque ſcientiam;

*Et ſingulare ſtudium quo inter maxime ardua nego-  
tia quaſcunque ſcientias fouet*

*Specimen hoc inaugurale*

*Humillime et deuôte*

*dicat et conſecrat*

*Auctor*

*Chriſtian Ebrenfried Weigel.*

## PROOEMIUM.

---

**S**peciminum inauguralium finem perpendenti mihi, non ali-  
us ille esse videtur, quam ut per prolixiorē singularis  
rei pertractationem, vel nouorum quorundam, in quadam scien-  
tia ad Rem Medicam pertinente, inuentorum patefactionem  
sensim Medica scientia magis magisque augeatur ac elabore-  
tur. Ita vero fatendum quidem est, cum praecipuus artis  
medicae scopus sit, aegros sanare, sanos conseruare, etiam  
eas, in quibus practicoꝝ argumentorum vnum alterumue  
pertractetur, dissertationes fini huic optime satisfacere. Cum  
vero, qui modo Academica studia absoluit, is tali expe-  
rientia, quae ad eiusmodi argumentum rite elaborandum  
necessario requiritur, adhuc careat; nil in hoc genere prae-  
stare poterit, nisi quod haecenus de quadam re scripta colli-  
gat, cum se inuicem comparet, et in ordinem redigat, ubi  
tamen quoque contrariorum diiudicatio, deficiente experien-  
tia, admodum anceps erit. Nec inutilia censerī possunt spe-

rapeuticus; cum hae scientiae elaboratae tamen permixtae  
faciant ad fundamenta rite ponenda, quibus postea super-  
struantur Therapiae regulae. Arrisit mihi inter eas Chemia,  
iucundissima scientia, ad quam, tum Parentis optimi ductu,  
cum hic loci ex Ill. ac Celeb. Praeceptorum praeceptis, edi-  
scendam iam aliquamdiu allaboravi. Desumsi igitur ex ad-  
versariis laborum in patria sub Parentis directione instituto-  
rum aliquot experimenta, quibus alias quasdam obseruatio-  
nes addidi. Breuibus omnia enarrare studui, nec nisi ne-  
cessariam explicationem apposui. Quaedam eorum forsan  
Chemicis grata erunt, saltem tironibus non inutilia. Con-  
tentus ero, si quaedam ex iis momenta lectu non indigna  
censebuntur.



OB-

OBSERVATIONES CHIMICAE  
ET  
MINERALOGICAE.

---

OBSERVATIO I.

DESTILLATIO SPIRITVS VINI.

**S**piritum vini vulgarem vendibilem (cuius semuncia in cochleari accensa, si deflagrauerit, duas circiter drachmas phlegmatis relinquit) rectificare, i. e. adeo concentrare, vt dicta quantitas accensa circa octauam partem phlegmatis relinquat; huncque *rectificatum* vulgo dictum, repetita rectificatione eousque concentrare, vt dicta quantitas, absoluta deflagratione, paucas solummodo relinquat phlegmatis guttulas, i. e. in *alcohol* vulgo dictum mutare, res est cuilibet pharmacopoeo nota.

A

Sed

phlegmatis vestigium, et cuius semuncia pauco siccissimo, adhuc calido, pulverisato salis Tartari e. gr. granis duobus, in phiala affusa, post paucarum horarum digestionem, commota decenter phiala, nullatenus cum salis Tartari particulis coeat; simulque odoris et saporis amoeni, hinc ab oleo suo foetido liberatum, nec heterogeneis particulis impraegnatum; res est difficilior, in quam saepius summi Chemici operam ac industriam suam collocarunt.

Ad plurima experimenta alcohol potentissimum per dictos characteres diiudicatur, quare experimento a GODOFREDO a) proposito opus non est, et egere possumus tali Spiritu Vini, qualis artificiose describitur a IVGELIO b), nisi ad peculiaria experimenta sublimioris Chemiae respiciamus.

Mediante abstractione super *Sal Tartari* multum, ad scopum nostrum obtinendum, effici posse scimus.

III.

a) in *Actis Parisinis Anni 1718.*  
p. 37. segg.

b) *Experimental-Chemie* p. 92.





III. ac Celeb. VOGELIVS, Academiae huius Lumen, Praeceptor mihi nunquam sat deuenendus, in *Institutionibus suis Chemiae*, hac de re eruditas profert observationes c). Idem hic Vir Experientissimus et Sincerimus satis curiosum experimentum docet d), quo instituto alcohol vini tartarifatum a non tartarifato distinguui possit, quo autem deficiente solummodo ex effectu v. g. in vulneribus e), in vernice f), etc. differentiam detegere licuit. Interim mirandum sane, Sal Tartari, quod tantam ignis sustinuit torturam, quoad partem, vel minimum quoad aliquam partem constitutiuam, in hac operatione volatile reddi posse, et cum alcohole per alembicum transuchi. Videtur certe hoc experimento stabiliri veterum regula: *si vis fixum volatile reddere, plus volatilis, quam fixi, sit in compositione; inuersa ratione procedendum, si intendis volatile figere.*

Methodus qua vsus KVNCKELIVS g), merito lau-

A 2

danda

c) v. gr. §. 390. 391.

d) in nota 2da ad §. 389.

e) tartarifatus in vulneribus facile inflammationes ciēt ob acredinem suam.

f) quae, si cum tartarifato para-

ta, post siccationem facile rimas nanciscitur.

g) Laboratorium chymicum Edit. Engellederi pag. 708 seqq. Laudatur et dilucidatur a TEICHMEYERO in Instit. Chemiae p. 81. et III. VOGELIO L. c. §. 391.

adhaeret, immo, cum semper principio alcoholi per-  
grino sit imbuta, aliqualem minimum mutationem alco-  
holi inducet, id quod maiori gradu valet de aqua non  
destillata. Certe aqua fontana dulcis, pluuiialis, niua-  
lis, et praeprimis roris, saepius destillatae in quavis de-  
stillatione relinquunt portionem terrae, in aëre humi-  
diusculo deliquescentis. An haec terra sine salini prin-  
cipii connubio antea potuit in aqua solui, et soluta su-  
stentari? unde deliquescit, si adhaerens adhuc prin-  
cipium salinum non retinuerit? Cur in aquae, prae-  
primis roris, mense Iulio, praegressis diebus calidis-  
simis et sicca tempestate, collecti, destillatione lenissi-  
ma vasa vitrea destillatoria vtpurimum finduntur? an-  
non itaque semper principium salinum cum terra iun-  
ctum transit?

Cetera additamenta ab Ill. VOGELIO *b)* diiudi-  
cantur.

Quod ad scopum felicem obtinendum varia ma-  
chinamentorum genera sint excogitata, quorum quae-  
dam

*b)* l. c. §. 389.



dam laudanda, alia non item, scimus; quorum quoque mentionem fecit Ill. VOGELIVS i).

Saepius in Parentis, maxima pietate colendi, laboratorio institui, hanc circa rem, experimenta, instrumentorumque ad hanc rem idoneorum imagines in charta delineavi, quae cum iam ad manus non sint, imperfecta delineatione, huic dissertationi annexa, praesupposita, inuenta vtilia narrabo, verbisque, quantum in mea potestate, illustrabo, quo B. L. contentus erit, donec, (si tempus vacabit, circumstantiaeque fauebunt) icones meliores instrumentorum chemicorum, tam emendatorum, quam recenter inuentorum, (quae iam in charta delineavi) in lucem proferre possim publicam.

Sequentia vt eo melius intelligantur, B. L. notet

1<sup>mo</sup> me per *mensuram* Stralsundensem, vel (vt provinciali termino vtar) *durch einen Pott*, intelligere mensuram, quae duas libras Lubecenses circiter capit; harum 36 constituunt *ein Ancker*, harum 6 *ein Oxbofst*.

2<sup>do</sup> In adiecta tabula lineam horizontalem n. o. significare pavementum laboratorii.

A 3

Instru-

i) l. c. §. 392.

Fig. I. I<sup>mo</sup>, *vesica cuprea vulgaris tantae capacitatis, vt ad duas tertias repleta recipere posset 10 vel 12 mensuras.*

Haec vesica in superiore superficie, medio loco inter collum vesicae *c*, et marginem vesicae *b*, rotundo foramine praedita, cuius diameter tres quartas partes digiti transuersi aequat. Super hoc foramen conferruminatus est tubus stanneus *a*, detornando excauatus, perpendiculariter positus, longitudine duorum pollicum, diametri, inferius foraminis dicti, superius vnica linea crescentis *k*), ita vt hoc cauum speciem coni detruncati, inuersè positi, prae se ferat. Prouide suber optimae notae foramini tubi dicti immittatur, obtegatur vesica bubula, probe in aqua emollita duplici, quae constringenda valide filo, infra annulum, quo tubus iste instructus est, tubulum dictum ambiente. His cautelis obseruatis decenter, sub destillatione, adeo forti, liquoris

k) nisi enim supra paullulum maffra, epistomium suberinum non sat  
tori amplitudine gauderet quam infirmiter imprimi posset.



quoris spirituosus ne minimum quidem per hoc foramen in auras dispergi posse, mihi crede.

2<sup>do</sup>, Vesica aut athanori, aut vulgari furno catini, aut portatili ex bractea ferri, aut ex lateribus constructo, iam immissa, illi imponitur *conus detruncatus* cauus ex stanno purissimo, interne et externe tornando paratus, longitudine pedum duorum. Inferius accommodatus sit magnitudini colli vesicae, cui immittendus; superius habeat foramen tres pollices diametro aequans.

3<sup>io</sup>, Cono huic detruncato imponatur *alembicus* ex stanno purissimo paratus. Figura esto similis vsualibus vitreis alembicis, et hinc quoque inferior eius pars ambit, et in se recipit supremam partem dicti coni detruncati. *Rostrum* vero in progressu ab alembico pauciores circuli gradus deflectat a linea horizontali, quam rostra plerorumque alembicorum ex vitro paratorum, quia longissimus tubulus huic rostro applicandus erit.

4<sup>to</sup> Rostro applicetur *tubulus*, e stanno purissimo paratus, ita ut extremum eius extremum rostri cingat. Longitudo sit octo pedum, apertura circa tres quartas partes digiti transuersi aequet. Terebra dum perforatur

relinquantur loueae, alias aegre foramen depuratur.

5<sup>o</sup> Alius *Tubulus* adhuc requiritur, eiusdem circiter longitudinis, cuius foramen recipere potest prioris tubuli extremum. Conficiendus dicto modo e stanno puro, vel, ad sumtus leuandos, e bracteis ferreis purissimo stanno obductis *l*) conferruminato; vbi vero duplex cautela obseruanda 1, vt margines bractearum sibi inuicem non incumbant, sed duntaxat in extremis se tangant; alioquin foramen tubi decenter expurgari nequit: 2, vt ne visitata ad ferruminationem massa, e stanno bismutho etc. composita, conferruminentur, sed tantum puro stanno et resina; tunc vero super omnes iuncturas coaguletur stannum altitudine vnus lineae pollicis; stannum enim fluens sese non insinuat inter extrema bractearum, nec ea connectit, quia ibi ferrum nudum est, et nobis nondum innotuerunt encheireses, stannum vt ferro adhaereat efficiendi. Fig. 2. a. b. est hic

*l*) laminae ferreae non nisi purissimo stanno obduci possunt, quia alioquin splendorem non conseruant. vnde aequè tuto adhiberi possunt quam stannae. Siquè etiam forsan his in

locis, vbi stannum inductum est, temporis successu ferrugine laederentur, haec in spiritu vini fundum peteret, nec noceret.



hic tubus in b. abscissus, transiens per alium tubum  
capaciorē, quod per puncta indicatur.

Extremo huius tubi a. applicari potest vas reci-  
piens vitreum, eae capacitatis vt circiter duodecim vel  
sedecim *mensuras* capere possit.

6<sup>o</sup> Si nunc tibi sit volupe, omnes commissuras  
ope vesicarum suillarum, (in aqua tamdiu maceratarum  
donec intolerabilem fere faectorem spargant, atque ma-  
nubus tritae iisdem adhaereant) exacte claudere, infunde  
vesicae spiritum vini rectificandum per foramen a. ope Fig. 1.  
infundibuli, claude hoc foramen dicto modo, et igne  
moderato destilla vt guttas decedentes distinguere pos-  
sis. Sed tardus labor, et tamen, si gutta guttam fere  
tangat, spiritus non sufficienter refrigeratur, hinc eius  
multum perditur, et labor cum periculo incendii, licet  
tubus dictus notabilis sit longitudinis.

Potuissem breuiorem tubulum eligere, illumque  
per vas refrigeratorium ducere, methodo vulgari; sic  
potuissem destillare absque tanta temporis iactura. Sed  
1<sup>mo</sup> Tubuli vulgari methodo, oblique quidem, attamen li-  
nea recta, per dolium refrigeratorium ducti, mediocri  
B tan-





treum tubo applicare et ope vesicae adglutinare, sed solent supponere excipulum, eique imponere infundibulum, quod intrat spiritus ex tubulo profluens, quando ad instar calami straminei profluit. Coguntur ad id faciendum, quia praevident periculum dispoſitionis vasorum, a spiritu non sufficienter refrigerato, alioquin oriundum. Qua vero methodo copiam vaporum spirituosorum in auras auolare vix mentione eget.

3<sup>to</sup> Vulgare vas refrigeratorium, scilicet sufficientis capacitatis, magnum occupat spatium, quare in laboratorio

m) Laminæ enim cupreae margines circum se inuicem complicantur, dein malleo conuoluta hæc commissura complanatur; vnde necessario longitudinalis sulcus manet. Obiici posset, in tubo nostro e laminis ferreis stanno obductis, no. 5. descripto, licet maxime approximentur extrema, impuri quid adhaerere posse

quia stannum fluens commissuram non intret: sed optime expurgabitur, si finita operatione aqua per illud destillatur, posteaque vinco ferro, cui stupa obuoluta, (qualis ad sclopetum expurganda adhibetur) interna eius superficies detergitur; id quod in prioribus curuata structura vetat.



boratoriis minoribus maxime incommodum est instrumentum. Requiritur insuper saepissime ministri praesentia in laboratorio, cum ad aquam vase refrigeratorio contentam agitandam, eum scilicet in finem, ut superior frigidior cum inferiore calefacta misceatur, tum ad refrigeratorium euacuandum et denuo aqua frigida replendum; unde etiam istud emergit incommodum, quod laboratorium claudere nunquam liceat. Demum notetur, non semper aequalem effectum per vulgare vas refrigeratorium obtineri posse; breui nimirum ante repetitam repletionem aqua refrigeratorii tepida euasit, hinc impotens, quae sufficienti gradu refrigeretur.

Laudanda quidem est inuentio aliorum, quando Fig. 7. ope antliae saepe noua aqua frigida in refrigeratorium ducitur, et quidem per infundibulum, quo frigida aqua specificè grauior descendit ad fundum refrigeratorii, unde calida refrigeratorii aqua, ut specificè leuior, ascendit, et accumulata per canalem lateralem, superiori parti refrigeratorii applicatum, effluit *n*). Sed sem-

B 2 per

*n*) vid. Fig. 6.

a. b. c. d. vas refrigeratorium.

e. f. tubus per quem destillat spiritus vini.

g. infundibulum per quod aqua fri-

gida antliae, ut grauior, ad ima refrigeratorii descendit.

h. canalis lateralis e quo aqua ascendens effluit.

Bona igitur, rectaque via excogitata ad incommo-  
da adducta remouenda, quam experientia comproba-  
tam exponemus.

Dolium capax o) ponatur in vicinia laboratorii,  
et a terra eleuatum sustineatur, vt fundus dolii aliquot  
digitos altior situs sit quam canalis Fig. 3. Ex vicina  
antlia p) ope lignei canalis, serui ope, frigida aqua pro-  
pellatur in hoc dolium, extra laboratorium positum,  
donec totum repletum sit; quod sub destillatione con-  
tinuata fere omni sexta vel septima hora necessarium erit.  
In inferiore parte huius dolii lateraliter applicetur cana-  
lis, per quem perpetuo aqua ex hoc vase defluere pos-  
sit determinato gradu, quare istiusmodi canalis orifi-  
cium pro lubitu magis vel minus aperiri vel claudi posse  
debet; id quod per epistomium aurichalceum obtinetur.  
Si omni minuto temporis primo e dolio libra vna semis  
effluat,

o) v. gr. *ein Oxhoft* quod 6 *An-  
cker* continet.

p) vel si haec deficit amphoris in-  
fundi potest.



tur, nulla relicta apertura. Tubuli d. inferius foramen,  
tubo dicto e. f. g. h. afferruminatum est antea facto for-  
mini in tubulo hoc maiori.

Ergo aqua fluens e tubo d. defluet in tubum e. f. g.  
h., illumque replebit, et tubum a. b. in medio situm  
ambiet, quem tamen nunquam intrare valet, sed dun-  
taxat refrigerabit, si fuerit calidus <sup>11)</sup>. E tubulo e. f.  
g. h. aqua perpetuo affluens perpetuo effluit per supe-  
rius foramen apertum, quia locus inter g. et h. inferius  
situs quam suprema pars tubi d.

Vt eo melius mentem meam capiat B. L. confi-  
deret Figuram 4, quae fere vera magnitudine exhibet  
faciem extremitatis superioris, tubi capacioris e. f. g.  
h.,

<sup>11)</sup> vi legis physicae: transire ca-      contiguum minus calidum, donec  
lorem e corpore quocunque calido in      aequali gradu calida evaserint.

h., scilicet quae inter h. et g. continetur, et adspicitur si oculus in b. sit constitutus. In hac Figura 4, mini-Fig. 4. mus circulus est tubus a. b. (Fig. 2.) quasi sectus consideratus; medius circulus quasi sectum repraesentat tubum e. f. g. h. (Fig. 2.). Inter hos binos circulos conspiciuntur tria spatia minora z. z. z. umbra notata, quae significant binos tubulos ibi connecti per intermedias tres bracteolas adferruminatas; sed duntaxat in hac extremitate, non vero per totam longitudinem tubi e. f. g. h. s). Spatia y. y. y. significant spatium inter binos tubulos (a. b. et e. f. g. h. Fig. 2.) intermedium. Repletur hoc spatium aqua refrigerante perpetuo affluente, et per has aperturas perpetuo frigide effluente in canalem infundibulo instructum l. m., e quo defluit Fig. 5. per pavementum laboratorii (cuius superficiem determinat linea horizontalis n. o.) in canalem t) ligneum p. q. Fig. 6. per quem continuatum laboratorium ab omni aqua refrigeratoria affluente liberatur u). Notandum insuper, cana-

s) his connectuntur bini tubuli ut semper aequaliter distantes maneant, ut aqua inter illos fluens, tubum a. b. (Fig. 2.) in omnibus punctis possibilibus refrigerare possit.

t) Simili usus sum quem in nota q) memoravi, modo testato.

u) Nam laboratorii Parentis pavementum atrio cingente altius est ultra pedem. Si hoc non esset, canalis ligneus p. q. pavimento incumbere deberet, finita operatione remouendus.

Ne vero aqua per aperturas y. y. y. perpetuo effluens, vi adhaesionis a g. (Fig. 2.) secundum longitudinem tubi decurrat, et ex puncto f. (Fig. 2.) decidat in terram, humectetque pavementum laboratorii, sed omnis cogatur defluere in infundibulum (Fig. 5); omne spatium umbra notatum, inter medium et maximum circulos (Fig. 4.) significat bracteam rotundam tubulo e. f. g. h. (Fig. 2.) in suprema parte h. g. ad angulum rectum per ferrurationem annexam; quod et Fig. 2. illustrat.

Omnis hic apparatus finita destillatione facile remoueri potest.

Tandem de usu huius inuentionis dicendum erit. Si tubulus, per quem aqua e dolio extra laboratorium posito effluit, eo gradu aperiatur ope epistomii, vt, quando dolium ad minimam partem repletum, omni minuto

to primo effluat libra vna cum dimidia, sequitur paullo plus aquae proditum esse dolio prorsus aqua repleto ob maiorem pressionem; sed mensura desumatur a casu primo, vt sufficiens fiat refrigeratio. Certus itaque scio, tanto gradu eam posse destillari, vt, ad instar mediocris calami straminei, perpetuo possit spiritus in excipulum transire frigidus; et tubulus, quem transit, inter recipiens vas et locum refrigerationis erit frigidus, etsi breui ante refrigerationis locum ob calorem manibus tangi nequeat. Possunt igitur vnica hora octo librae alcoholis obtineri sine vlllo periculo. Protracta destillatione donec, qui transit, spiritus lactescat, vel non amplius accendi se patiat, aperitur foramen vesicae *a* (Fig 1.), siphone exhauritur phlegma, denuo per hoc foramen infunditur spiritus rectificandus, vel, si opus est, eodem modo aqua eluitur vesica et foramen rursus subere clauditur, quod duplici vesica bubula firmandum. Intra horam denuo incipit destillatio. Si velis longum tubulum depurare, aqua, qua eluitur vesica, destillet vnica horam, et ab omni faetido odore et sapore depurati erunt tubuli, et denuo alcohol boni odoris ac saporis destillando obtinere poteris. Nec opus est, vt ignis exstinguatur, vel luta remoueantur.

C

Paruis



ritum sub alcoholis purissimi specie obtinui, (paucis libris exceptis, quae in fine operationis transeunt, et usque ad nouum laborem asseruantur), intra duodecim dies. Si vesica loco decem vel duodecim mensurarum capere potuisset tres Ancker sine dubio opus absolutum fuisset circiter tribus diebus x). Verbo, quo maior vesica, eo rarius opus euacuatio vesicae per siphonem, ceteraque quibus operatio retardatur.

Hoc apparatu cessant incommoda antea adducta, et obtinentur commoda seqq.

- 1) laboratorii spatium non angustatur per vas refrigeratorium;
- 2) summus gradus refrigerationis obtineri potest;
- 3) omni possibili celeritate labor peragitur;
- 4) nil spirituosum in auras dispergitur;
- 5) toto

x) Si tunc maiori riualo destillaverit, ob colli aperturam ampliorem evaporatione, sub eodem gradu ignis, fortiore, quidem omni minuto primo circiter tres librae aquae refrigeratoariae fuissent consumendae, hinc

dolium, e quo fluit, saepius replendum; tunc vero quoque omni hora circiter octo mensurae spiritus transisturae fuissent, adeoque repetendam dolii repletionem temporis compendium compensaret.

- 5) toto labore perdurante, v. gr. per duas hebdomades, nulla lutatio soluenda, nisi quae suber in foramine vesicae firmat mutanda, quoties denuo spiritus affunditur. Nam, quae recipiens vas cum tubo iungit, lutationem mutare opus non est, si excipulum in ventre epistomio vitreo instructum adhibetur.
- 6) parcis pabulo ignis, quia furnus in serie continua calidus conseruari potest, cum alioquin, si pro quavis iteranda vesicae repletionem lutationes mutandae essent, methodo solita, cum residuum in furno ignis pabulum frustra consumatur, tum iterata operatione vnius saltem horae interuallum elabatur antequam furnus debito gradu rursus calefiat. Obtinetur itaque tam temporis, quam sumtuum compendium.
- 7) Si laboratorium bifariam diuisum, longusque tubulus transeat per parietem intermedium, illa pars laboratorii, in qua recipiens vas est, poterit offerari licet in altera parte famulus furno ingerat pabulum ignis.
- 8) parua tantum et viliora opus sunt recipientia vasa, ob sufficientem refrigerationem;

Eaedem machinae adhiberi possunt ad destillationes rerum aquosarum, tunc autem cono detruncato alembicum sustinente opus non est, et alius maioris diametri alembicus vesicae collo immediate applicatur, nec longus tubus stanneus, no 4, necessarius, quia aqua facilius refrigeratur quam spiritus.

Obiicietur forsan, methodum dictam reiiciendam esse, si vellem spiritus acidus aliaque stannum arrodentia destillare, quia tunc tubulis vitreis opus est. Hoc verum; sed mutatis mutandis et in tali casu hic refrigerandi modus locum invenit, de quo forsan alio tempore plura.

---

OB-

## OBSERVATIO II.

### MERCVRII IN PVLVEREM CONVERSIO PER SOLVM IGNEM.

**A**ntequam ad hanc discederem Academiam, Pater meus cogebatur ultra sex menses ignem in Athanore alere. Curiositate ductus tentavi Mercurium (sic dictum) per se praecipitatum parare; quem in finem sequentia institui experimenta.

Emebam ex officina pharmaceutica argentum vivum, quod per alutam pressum *a)*, super chartam albam decurrens non splendebat ad instar argenti politii,

C 3

sed

*a)* traiectionem per corium non semper sufficere ad mercurium et metalla vnita denuo secernenda, sed plumbum, stannum, et Marcassitam ex parte simul cum mercurio corium

transire, iam BORNIVS monuit in *Disq. Chymico - Physicis* Lips. 1696. 8vo *Disq.* XII, §. 12. et *Disq.* XV, §. 8.

tardius iusto currebat; in cursu constitutum caudam chartae adhaerentem, eamque conspurcantem relinquebat; in minores partes diuisum non sphaericas repraesentabat, sed potius diuersa figura praeditas. Impurum ergo erat, hinc, antequam pro scopo meo obtinendo adhiberetur, depurandum.

Destillaui igitur hunc Mercurium per se ex retorto vase vitreo, cuius collo quadruplex charta emporctica circumuoluta, propendens ad aliquot digitos, et intrans ad aliquot lineas superficiem aquae in vitro patente supposito chartamque perpetuo humectantis b). Toto ventre retortae vbique ad collum vsque arena obruto,

b) Iam LVDOLPHVS *Einleitung in die Chymie*. p. 371. huius encheiresis mentionem facit, praefert tamen, sine charta emporctica, partem colli retortae aquae excipuli immittere. Sed necessaria est ista encheiresis. Alioquin enim, si pars aperturae colli tantum aquae immissa, copia mercurii sub forma vaporum auolatura esset, et facile mercurius feruidus recipiens frigidum allidere, illudque findere, posset. Si vero totum eius lumen sub aqua demersum, tamen

collum retortae, ab aqua frigidum conseruatum, a globulis mercurii feruidis facile finderetur; sique ignis gradus ad tempus breue imminutus, aqua ex excipulo in retortam ascensura esset; sique recipiens retortae ita applicatum vt iuncturae lutatae, aqua calefieret nec mercurium sat refrigerare posset. Si vero tubulus chartaceus propendens duntaxat quartam partem pollicis aquae immersus, illo in casu. si aqua in retortam ascendere moliretur, potius ab aëre exter-

ruto, in catino ferreo oblique furno immisso, decenti ignis gradu destillabat Mercurius, nec poterat chartae poros transire, nec suppositum vas findere ob sufficientem refrigerationem, nec adscensus aquae ex applicato recipiente, aqua maximam partem repleto, quam intrare alias debuisset collum retortae, ignis gradu sub operatione forsan ad tempus remittente possibilis erat. Finita destillatione mercurius chartae emporeticae infundendo siccatus, dein per conum e charta alba scriptoria contortum, apice subtilissimo foramine apertum *c)* mittendo ab adhaerentibus forsan chartae emporeticae fibris vel alio pulvisculo liberatus, pristinam retinuerat indolem.

Hinc septem huius mercurii partes cum vna parte florum sulphuris pallidorum subviridescentium, adeoque ab omni arsenico purorum, in aethiopem redeגי difficili

no comprimitur et ex aqua eleuatur; postea si aer tubulum intrauit, vel pondus mercurii destillantis illum aperit, extremum eius rursus in aquam cadit, et omnia in pristinum statum restituta.

*c)* per corium enim transmissus, semper quendam retinet puluerem, qui hoc modo chartae adhaeret. Vñ

sumus quoque cylindro vitreo, ope ignis in tubum capillarem ducto, qualem quoque commendat HENDERMARK in Diss. de Mercurio viui et cum salibus varie mixti summa in corpus humanum vi alicuius efficacitate etc. Lips. 1754. p. 15. nota m. vitri tamen laeior nimis videtur, hinc charta praefenda cui tenerri- mus pulvisculus facilius adhaeret.

Studio opus, ob magnam mercurii, respectu florum  
sulphuris, quantitatem difficillimum, aggressus sum,  
et absolui, ne in subsequutura reuiuificatione maior flo-  
rum moles retortae collum nigredine inficere, suffocan-  
tibus vaporibus laboratorium replere, mercuriumque  
transitum nigredine sulphurea inquinare posset.

Aethiopis huius reuificatio cum triplo *d)* calcis  
viuae debitis cautelis, partim iam dictis (scil. respectu  
apparatus vasorum) instituta; qui transit mercurius,  
terendo primum cum aceto vini destillato, dein cum  
sale culinari, a signis malis commemoratis liberari ne-  
quibat.

Eiusdem aethiopis partem vnā cum triplo salis  
tartari mixtam dicto modo destillaui e retorta, e vitro  
Megapolitano e nigro viridi *e)* durissimo parata, reui-  
ficatumque mercurium dicto modo terendo, et siccatum  
per


*d)* vt tutiori via item, cum alio-  
quin duplum suffecisset.

*e)* hoc vitrum durissimum est, ob  
paucas partes salinas, quas continet;

tale vero opus, quia retorta probe  
expandefieri debet, quo casu facile  
colliquaretur, si vitrum multas par-  
tes salinas contineret.







per conum chartaceum mittendo ab adhaerentibus forsan quisquiliis liberare tentavi; sed nec hocce artificium successit.

Vidi itaque adductas in arte receptas methodos non semper sufficere ad mercurii perfectam depurationem.

Reuificationem aethiopis per limaturam martis meditate omisi, quia alio tempore mihi male successerat, dum reuificatus mercurius criteria mala adducta prae se ferebat, et sine dubio *LYDOLFFVS* f) fidem meretur, scribens se semel ad mercurium e cinnabari reuificandum, deficiente limatura martis, squamas ferri sumsisse, ubi pars ferri simul transierit, dum maius pondus mercurii obtinuerit, et hic quoque spissiusculus fuerit. Putavi forsan rubiginem aliqualem limaturae simile quid praestituram fore. Hinc quoque, quas quidam ad mercurii destillationem commendant, ferreae retortae minus laudandae videntur, cum, licet quidem mercurius cum ferro, sine interueniente intermedio quodam, in amalgama abire non soleat, tamen forsan vi ignis coactus

f) *Einl. in die Chymie.* p. 375.



ctus et in subtilissimos vapores resolutus in illud agere possit, cuius pori tunc quoque vi ignis dilatati.

Notanda hac occasione censeo, quae BOERHAAVIVS in *Opusculis*, et quidem *Dissertatione de Mercurio prima* atque *secunda* docet, quod mercurius metallum continens leniori igne transiuerit, et partes metallicas secum rapuerit.

Forſan magna pars mercurii venalis impura reddita per reuificationem praegreſſam e cinnabari natua, addita limatura martis g). Forſan dantur artifices, qui mercurium cum lucro e plumbo h) vel ſtanno etc. parant, qui forſan ſpecificam qualitatem matris ſuae retinet, nulla arte ab illo ſeparabilem.

Vtcrius quo minus mercurium hunc experimentis ſubiicerem, impediuit caſus, quo vitrum illum continens frangebatur, maximaque mercurii quantitas in pavimentum laboratorii diſpergebatur.

Vt

g) SCHLÜTER *Probiar - Buch* p. 80.

h) vti ſimplicem viam indicat GROSSE *Recherches ſur le Plomb* in *Actis Pariſiſis* Anni 1733. Plum-

bum in ſpiritu nitri diluto ſoluit, unde pulvis grifeus fundum petiit, quem mercurialem eſſe comperit. Prolixiores aliae a KVNCKELIO, NEYMANNO, LVDOLFO, HENCKELIO aliisque traduntur.



Vt itaque certe purum obtinerem mercurium, re-  
vificaui Mercurium sublimatum corrosivum venalein cum  
triplo Salis Tartari, et obtinui mercurium ab allegatis  
mendis liberum, qui etiam super laminam ex argento  
purissimo factam politam, calore in auras dispersus,  
nullam maculam gryseam (quae scil. contenti metalli  
calx foret) reliquit. Num hac via semper purissimus  
obteneatur, an duntaxat ad hunc sublimatum a me em-  
tum olim ab artifice purus mercurius adhibitus fuerit,  
aliis diiudicandum relinquo, dum saepius repetita ten-  
tamina requiruntur, antequam phaenomena quaedam  
ad certas leges reducere liceat.

Ex purissimo hoc mercurio reuificato, exactissimo  
ignis regimine obseruato, paravi multorum mensium  
spatio Mercurium (sic dictum) per se praecipitatum,  
coloris rubelli ad instar minii i), qui a solis radiis illu-  
minatus viuidum rutilum splendorem oculo spectatoris  
obiiciebat.

## D 2

## Enar-

i) Mercurium diuturna digestionem  
in puluerem mineae rubedinis abire  
negat BOHNIVS L.c. *Diss.* VIII.  
§. 14. 28. et tantum gryseum colo-  
rem nancisci affirmat. Quod tamen

experientia, et tot recentiorum scri-  
ptorum testimonia sat refutant. Sine  
dubio ille non omnes adhibuit enchei-  
restes necessarias.



Enarrabo quasdam encheirefes, quas ad proces-  
sum feliciter absoluendum vtilis et necessarias iudico.

- 1) Non minor quantitas quam marca vnica, seu libra semis, mercurii viui sufficit pro vitro vnico; alioquin pondus mercurii, vi ignis in collum vasis propulsi, non sufficiet, vt rursus in fundum decidere possit, sed, qui ascendit in collo haeret, in fundo nullus manet, adeoque frustra labor instituitur, vti etiam recte monuit LVDOLPHVS k).
- 2) Vitrum continens sit phiala plani fundi, (*Setz-Phiole* vocant) e vitro crySTALLINO conflata; cuius colli apertura vbique dimidium, ad summum tres quartas partes digiti transuersi l) aequet; longitudo colli sit quatuor pedum, plani fundi diameter circa trium vel quatuor digitorum. Accedit quodammodo ad hunc scopum vitrum a ZWOELFERO m) delineatum, sed fundus nimis latus est, vnde si non vbique mercurio tectus, hic refrigeratus e collo decedens vitrum franget. Angustior di-  
cto

k) *Einkl. in die Chymie. p. 223.*

l) si enim collum infra amplius est, copia mercurii ad tempus adherere potest, quae interea ignem non

experitur, vnde tardior progressus operationis.

m) in *Mantissae, Pharmacopoeiae Regiae annexae, P. I. Cap. VIII. p. 300, 301.*



esto autem non esto, cum superficie mercurii minore opus lentius progrediatur.

- 3) Orificium phialae charta, filo circumligata, sufficienter claudatur contra illapsum impuratum, non tamen omnis nexus aëris in vitro contenti cum aëre ambiente impediatur. Iubent STAHLIUS <sup>n)</sup>, BOYLE, alique phialae collum colliquari; quo casu vero facile phiala finderetur, licet ea, quam suadent, cautela adhibita, ut antea aër phiala contentus calore rarefiat <sup>o)</sup>; nec opus est hacce, sic dicta, hermetica sigillatio, cum sufficiat, lumen charta tegendo, illapsum alienarum particularum arcere, dummodo collum phialae sit longitudinis iam (N. 2.) memoratae.

- 4) Decens ignis gradus adhibendus. Est hic, si perpetuo mercurius eleuatur ad vnus, vel ad summum duorum pedum altitudinem et rursus decidit in fundum; quod ex deargentato quasi colli colore in plurimis punctis, in aliis autem punctis ex globulorum mercurii descensu cognoscendum.

D 3

Sed

<sup>n)</sup> *Fundam. Chemiae. P. I. Norimab, 1746. 4to p. 130. §. 20.*

<sup>o)</sup> uti KUNCKELIUS p. 229. iubet,



Sed in ventris arenae immerſi *p*) ſuperficie interna parum vel nihil currentis mercurii apparere debet, ob calorem notabilem, quo, qui decedit, breui in vapores reſolutus, in collum redit. Iam praecipitata pars aut ſub ſuperficie arenae, aut immediate ſuper eandem domicilium habeat vt magis fixa.

- 5) Diuturna operatione, vltra ſex meſes protracta, tandem omnis mercurius in dictum puluerem rubicundum conuerſus fuit.

Mira ſane res, Mercurium, inter metallica corpora minime deſtructibilem, ſola ignis actione, ſine alius corporis additione adeo immutari, vt ſibi nequaquam ſimilis maneat, et oppoſitas maxime proprietates acceperit; quare non incongruum videtur breuibus explicationem huius mutationis tentare; diſfuſam enim diſſertationis limites non patiuntur, nec conſummatam tradere tironis vires permittunt. Optime autem tradetur, ſi ſingulas ſeparatim reſenſebimus mutationes, quas

*p*) Docent quidam phialam duntaxat arenae imponendam eſſe, ſed tunc labor fruſtra in diutiſſimum tempus protraheretur. Sed iuſto maior calor quoque non eſto, vt ſcil. fun-

dus phialae candefcentiae propinquus ſit, quia tunc pars mercurii calcinata ſtatim ruruſus reuificaretur, adeoque in caſſum labor inſtitutus.



quas Mercurius hac operatione patitur; quae sequentes sunt.

1) *Ex corpore*, minimo caloris gradu semper *fluid*o, nec nisi frigoris artificialis et naturalis summorum, coniunctorum, vi in solidum corpus coercendo q) *mutatur in massam puluerulentam*, nullo pristinae fluiditatis vestigio relicto. Studuerunt hocce phaenomenon explicare varii varie. Sic BOYLEVS r) e corpusculorum mercurium constituentium, per innumeras reuolutiones, arctiori connexionione s), viscositate quadam t) explicare studet, cum mutatione albuminis oui comparat, vel ex particularum crebra euolutione simili cum vitrorum laeuigatorum cohaesionis modo deducit u). Quae omnia autem minus probabilia videntur, et ab illo ipso tanquam coniecturae duntaxat afferuntur. Nec comparare licet hoc phaenomenon cum metallorum imperfectorum calcinatione. Haec enim vi ignis phlogisto suo, quod illis metallicam formam dare sat euietum cenfeo, orbantur, quo in auras profugato, principio cohaesionis suae priuata, in puluerem dilabantur necesse est.

q) vid. ACT. PETROPOL.

r) In *Historia Fluiditatis et Firmitatis* P. II, in *Opp.* Colon 1680. edit.

s) Sect. 51.

t) Sect. 52.

u) Sect. 53.





est. Mercurius autem hæcenus nulla arte phlogisto suo orbari potuit, et in hoc adeo perfectioribus metallis, auro puta atque argento, antecellit, quæ e quibusdam cum salibus combinationibus nonnisi addita substantia inflammabili quadam reduci possunt, cum mercurius contra, innuméris licet combinationibus, formisque tortus, semper tamen in peculiarem sibi formam fluidam metallicam reuertatur, sine vilius inflammabilis additione, dummoda ab eo, quod, illi combinatum, formam eius immutauit, debitis encheiresibus liberetur x), vn-  
de

x) Adducunt quidem BOHN I. c. Diss. XIII. §. 12. RHENANVM et HARTMANNVM ex argento et mercurio quandam vitri confectionem docere, cui tamen successum denegat; et STAHL Fund. Chem. P. I. p. 129. §. 18. BECHERI assertum: Mercurium ope spiritus salini ita immutari posse, vt non amplius in formam currentem reduci possit. nisi addito puro metallo, quod tamen nondum experientia comprobatum affirmat, adeoque de eo merito dubitat. Et *ibid.* §. 22. experimentum aliud, vbi scil. mercurius retortæ tubulatae candefactæ ad paruas portiones iniectus, in aquam limpidam conuersus, in recipiens vas transiit; sed et hanc, leni destillatione, in pristinam currentis mercurii formam redire affirmat. Plurima de mercurii

in principia sua resolutionis difficultate auctorum testimonia adducit HYNDERTMARK in *Diss. de mercurii vini et cum salibus varie mixti summa in corpus humanum vi atque efficacitate, eiusque cum sulphure coniuncti virtute in idem nulla Lips. 1754.* nota g. vbi vero notandum, dup. quæ in contrarium adducit, experimenta non sufficere pro declarando. contrario; nam mercurii per se calcinati rubri vitro caustico in vitrum mutatio dubia adhuc manet (si scil. mercurius antea alio metallo impræguatus non fuit) cum facillime ibi salacia committi possit, vti quoque de metallorum nobiliorum per vitra aut specula caustica vitrificatione lis est inter magnos viros; ergo hinc nondum probatur, terram vitrescibilem mercurii principia ingredi; et quod  
secun-



de etiam mercurii e combinationibus cum aliis corporibus restitutionem sub reliquorum metallorum reductione comprehendere noluerunt, sed proprio reificationis nomine insigniuerunt Chemici.

Iure itaque affirmari posse arbitramur, hanc mutationem particularum quarundam ex igne accessioni tribuendam esse, quae interstitia particularum mercurii penetrent, longaue temporis mora illas ita a se inuicem separent, illisque adhaereant, vt conatui earum sese coniungendi sufficienter resistent, vnde soluta cohaesione in puluerem secedant, quod adhuc magis probabile reddit

2) *Ponderis augmentum*, quod mercurius hac operatione accipit y). Commune hoc habet cum plumbo z) et regulo antimonii aa) quae quoque calcinatione

secundo ex turpethi mineralis colore flauo deducit phlogiston, inde demonstrari posse non censemus, cum hic color, vti postea dicitur, potius particularum, aliis indolis, ignearum effectus esse videatur; saltem hoc modo phlogisto suo priuari nequit; adeoque verum manet, nondum notam esse artem, qua mercurius in principia sua resoluatur.

y) Testantur hoc ponderis augmentum, et quoque ex retentis particu-

lis igneis explicant LEMMERI in *Coniectures sur les couleurs différentes des précipités du Mercure*, in ACTIS PARIS. 1712. p. 57. et HOMBERG, *Du Souffre Principe*, in ACT. PARIS. 1705. p. 92.

z) vid. III. VOGELII, *Prolus. de Incremento ponderis corporum quorundam igne calcinatorum*. in *Opusc.* p. 68.

aa) Sed debita encheiresis adhibenda, quam docet III. VOGELIVS  
E in

ment ego quidem nullam aliam peripicio rationem, quam quod particulae ex igne accefferint et particulis mercurii adhaerentes totius massae pondus maius reddiderint. Nam, ut alia taceam, quam KVNCKELIVS *bb)* de pororum imminutione, indeque oriunda maiori grauitate specifica profert, assumere nequeo, cum potius contrarium contingat, dum scil. metalla calcinationis vi in puluerem dilapsa volumine augeri, et poros magnitudine augeri, hinc licet grauitas absoluta aucta, tamen specificam imminutam esse, necesse videatur.

3) *Celor ruber* mercurio per hanc operationem conciliatur. Circa hunc explicandum varii varie defudarunt. Ut ZWOELFERVM taceam, qui rubedinem omnesque colores in se habere mercurium dicit *cc)* cui vero contradicit KVNCKELIVS, qui tamen quoque improbabilem, ex viscosae materiae extrorsum pulsione, vel terrae quadam per calorem accensione, explicationem exhibet *dd)*; probabilior videtur recentiorum veluti

LEM-

in *Diss. Anal. Chem. de Vitro Antimonii*. Opusc. p. 162. nota i.  
*bb)* *Laborat. chym.*

*cc)* *Mant. Spagy.* cit. p. 502.

*dd)* *Lab. chym.* p. 227. 228.



LEMMERII *ee*) et HOMBERGII *ff*) sententia, rubedinem hanc accessioni quarundam particularum ex igne deberi; quam etiam sententiam WIEGLEBIUS nuper nouo experimento confirmauit *gg*). Si enim consideramus vias, quibus mercurio rubedo conciliatur, erit vel sicca scil. vi ignis, vel humida vti praecipitatione. Priorem si perpendimus, vel 1) sulphure, vti cinnabaris aut acido nitroso, vti sublimatus ruber KUNCKELII, iunctus in altum euehitur; vbi ignis actionem necessariam esse nemo negabit, cum ibi nunquam sine illa rubedo e mercurii et sulphuris miscela oriatur, aethiopis mineralis exemplo *hh*) et WIEGLEBII experimentum, mercurium viuum vel variis formis immutatum affuso spiritu fumante sulphurato Beguini rubedine cinnabarina imbuendi *ii*), necessariam particularum ignearum accessionem probet; ruber vero ille sine addito sulphure ope acidi nitrosi sublimatus etiam iis immixtis rubedinem debere videatur *kk*); vel 2) solus per se aut salibus solutus calcinatorio igni subiicitur; vbi vero rursus ibi nil nisi igneae particulae accedunt *ll*), hic autem rubedo

E 2

non

*ee*) l. c. in ACT. PARIS. 1712.

*ff*) ACT. PARIS. 1705.

*gg*) *Kleine Chymische Abhandlungen. Langensaltza. 1767.*

*hh*) cf. WIEGLEB l. c. I. *Abh.*

p. 41. seqq.

*ii*) ib. p. 37. 41. 50. 52. et alibi.

*kk*) ib. p. 46.

*ll*) et accedere debere patet ex eo, quod mercurius in vitro molendinae fullo-

quod non solum e vulgari mercurio praecipitato rubro patet, qui, quam diu quid acidi nitrosi illi inest, albus est, dein cessante vaporum rubrorum transitu per flauī coloris gradationes in rubrum abit *mm*); sed et ex praecipitati albi vulgaris per sufficientem calorem, auolante sale, in rubrum mutatione *nn*) perspicitur, vnde simul argumentum desumendum contra theoriam eorum, qui hoc phaenomenon ab vrinoso acidi nitrosi deducere cupiunt. Quod vero alteram viam attinet, in mercurii e solutionibus, per alia corpora, rubro colore praecipitatione, etiam negari nequit, omnia ista corpora, quae hoc efficere valent, particulis igneis impraegnata esse, et pro maiori earum copia retenta quoque magis rubrum colorem producere *oo*); quo et Turpethum minerale referendum, cuius flauedo etiam a particulis in oleo vitrioli praesentibus *pp*) deducenda videtur. Sequitur ergo e dictis, colorem rubrum mercurii tum aliis corporibus iuncti, cum praesertim per se in puluerem rubrum

fulloniae caudici tundenti per octo menses appenso quidem in puluerem abiit sed nigrum. BOERHAAVE in ACT. ANGL. N. 430.

*mm*) WIEGLEB l. c. 10. Abh. p. 159. 161. et acidum nitri nullum

remanere p. 163 — 165. et LEMMERI l. c. p. 57.

*nn*) LEMMERI l. c. p. 58.

*oo*) Idem l. c. p. 61. 62.

*pp*) MEYER Chem. Versf. p. 163-168.



rubrum, vi ignis, redacti, accessioni particularum quarundam ex igne deberi; id quod prolixius supra citati viri demonstrant qq).

4) *Reuificatio per solum ignem*, sed fortio- rem. Quo ipso etiam demonstratur, mercurium hac operatione non per phlogisti iacturam, uti metalla imperfecta, sed per alienarum particularum accessionem in calcem verti. Explicatio autem in eo consistit, quod vi maiori ignis eleuatus mercurius ab adhaerentibus particulis igneis deferatur, adeoque in pristinam formam redeat; cui quidem forsân obiicietur, qui fieri possit, ut ignis, qui antea partes apposuit, nunc easdem demat; sed facile refutari censemus, dum hoc argumentis a WIEGLEBIO rr) ex naturali mercurii conditione, mercurii volatilitate, et natura huius substantiae elementaris igneae respectu ad mercurium considerata, desumptis haud difficulter explicare posse videtur: quibus ad-

E 3

dendum

qq) et MEYER p. 94. contendit causticum cum omnibus corporibus inflammabilibus rubedinem creare. Num igitur rubedo hic sit e coniunctione particularum ignearum et phlogisti mercurii? foret saltem ita explicanda, si mercurium speciale

metallum, aequè ex principiis suis compositum ac cetera, assumeremus esse. Sed alia metalla rubrum ab igne assumunt colorem licet phlogisto suo orbata, v. g. plumbum. Num itaque a mercuriali principio pendet?

rr) 10. *Abh.* p. 171-174.

motus caussa, adhaerere potuerint particulae, quae aucto igne per rapidum motum auferantur. Et veritatem illam testatur minii et calcinati antimonii per ignem in vitrum conuersio, vbi quoque, quae antea ponderis augmentum effecerant, particulae igneae rursus profugantur ss). Et ignem maiori gradu applicatum destrueri posse effectum, quem minori produxit, patere videtur e gypso, quod debito ignis gradu facultatem illam cum aqua in lapideam massam coeundi obtinet, nimio rursus amittit; quamuis hoc simile isti phaenomeno, de quo sermo nobis est, non penitus respondere facile concedamus, cum in calce viua et salibus alcalinis fixis contrarius effectus appareat, quae scil. quo diutius ignis actionem experiuntur, eo maiori gradu caustica euadunt.

5) *Fixitatis quidam gradus*, quem mercurius hac operatione obtinet. Testantur scil. auctores, hunc mercurium in puluerem rubrum conuersum eo gradu ignis non eleuari, quo viuus transit, sed insigniter maiorem exigere, adeoque ignitionem ad tempus ferre. Difficilis

ss) HOMBERG l. c. in ACT. PARIS. p. 94.

cilis quidem videbitur explicatio, qui particulae igneae et mercurius, quippe duo corpora volatilia, combinata fixius corpus constituent. Si vero ex analogia aliquid concludere licet, adfunt exempla varia, ubi simile quid contingit. Sic ut notissimum quid adducam, acidum salis et alcali volatile urinosum, ambo sat volatilia, constituunt sal ammoniacum quoque volatile, sed minori gradu. Sic Turpethum minerale quoque mercurium viuum fixitate antecedit; Sulphur sublimari se patitur, regulus antimonii quoque volatilis est quodam gradu, quod eius, in auri depuratione, ope follis, in aërem profugatio docet; iuncta attolli nequeunt. Similiter hic puto mercurium cum particulis igneis iunctum eleuari non posse, sed requiri separationem, qua per vehementiorem ignem effecta, demum mercurius liberatus in excipulum transire possit.

Remansit tamen BOERHAAVIO *tt*) pars huius pulveris in ignitione trium horarum in retorta, et quatuor in crucibulo, adeoque in retortae fundo maculam penetrantem effecit; interim cupellationem non sustinuit; unde concludit, ignem esse causam fixantem, licet

*tt) De Mercurio Experim. in ACT. ANGL. N. 430.*



cet demodo, quo hoc efficiat, dubitet; sed negat quoque, vllum metallum notum ex mercurio et igne sic conspiciantibus oriri posse. HOMBERGIVS autem granum paruum metalli obtinuit *iii*) quod sane magnam mereatur attentionem. Sed de hoc, cum nondum propria experientia edoctus sim, iudicare nequeo. Id tantum perpendendum propono annon mercurius noster, ob maiorem fixitatem, metalla, ope certarum encheiresium, magis forsan ad mutationem quandam disponat, quam viuus *xx*).

6) *Acrimonia*, qua in corpus humanum agit. Exstant de huius facti veritate testimonia multa, quorum plura collegit WIEGLEBIVS *yy*). Hanc autem ex accessione particularum ignearum facillime explicari posse, censemus; et ignem corporibus, quae illi exponuntur, acrem quandam siue causticam vim impertiri posse, calcinatio salium alcalinorum et terrarum calcarearum probat.

*iii*) p. 92. et peculiari tractatu *du Mercure* in ACT. PARIS. 1709. p. 106 - 117. adeo contendit, metalla constare mercurio viuo per particulas igneas penetrato.

*xx*) Spiritus falis non agit in argentum, sed sicca forma in caemen-

tatione (forfan ob maiorem ignis applicationem, metalli poros aperientem) lamellas eius quatuor caementationibus, quarum quaelibet non vltra duodecim horas duravit, ratione consistentiae caseo similes reddidit, quod ipse expertus sum.

*yy*) 10. *Abh.* p. 175. seqq.



bat. Quod verò non omnia corpora ab igne hanc acrimoniam nanciscantur, inde pendet, quod non omnia his particulis retinendis apta sint. Neque theodiam nostram infringit, quod de minio obiici possit, illud talem acrimoniam haud ostendere, cum 1) in minio plumbum phlogisto suo priuatum sit, mercurius noster autem nil amiserit; et magnam differentiam esse posse inter corporis cuiusdam cum alio quodam ex toto, vel ex parte combinatione, facile quis credet 22); 2) notum sit, plumbum omnia acida, in quibus soluatur, dulcificare, adeoque et particulae igneae illi iunctae hanc acrimoniam exferere nequeant. Mercurius contra, quolibet cunque menstruo salino vnitus, quadam acrimonia et vi penetrante pollet. Sed et in minio et lithargyrio hoc causticum latere iam MEYERVS docuit *aaa)* et WIEGLEB confirmat, salis tartari soluti, per iniectum lithargyrium post dies tres manifeste acrioris et caustici facti *bbb)*, et alcali volatilil a lithargyrio et minio, vti a calce viua caustici facti *ccc)* exemplis. Sat ideo

22) Exemplo esto partialis ista stanni in aqua forti solutio, quae in purpurae mineralis et carmini praeparatione, longe minus efficit ad colorem pulchrum obtinendum, quam perfecta huius metalli in aqua regis

rite praeparata solutio.

*aaa)* p. 169.

*bbb)* *Vertheidigung der Meyerschen Lehre vom acido pingui.* p. 93.

*ccc)* ib. p. 94, et 46.

F

7) *Vis multiplicatiua.* Scribunt auctores ddd) si huic mercurio calcinato recens viuus addatur, illum longe breuiori tempore in puluerem similem abire. Cuius quidem ratio multo iure diuisioni eius in minimas particulas tribui possët, qua actioni ignis maior praeberetür superficies et via porös penetrandi facilitaretur; sed si haec sola sufficeret, quodcunque aliud quid puluerulentum admistum eundem effectum produëturum esset eee). Ergo ex parte quoque particulis igneis mercurio calcinato adhaerentibus tribuendum erit, dum additus viuus duplicem simul experitur actionem particularum ignearum, tam earum quae in ambiente calcinato

ddd) v. g. LYBOLF *Einl. in die Chymie* p. 223. KVNCKEL *Lab. chym.* p. 230. STAHL *Fundam. Chem.* p. 31.

eee) Ratendum quidem est, solü-

tionem in aqua forti praegressam maximopere accelerare operationem, ob eandem rationem; sed haec quoque quasdam particulas igneas habet, quod vapores rubri testari videntur.

cinato adfunt, quam earum, quae per ignem aduehuntur *fff*).

E dictis colligendum duco, mercurii per memoratam operationem mutationes, maximam partem, accessui particularum ignearum tribuendas esse. Qualis verò haec sint indolis? alia res est. Phlogiston esse nequit; hoc enim vitra non penetrat, quod calcium metallorum imperfectorum reductio, nunquam in clauso vase, sine additione inflammabilis cuiusdam materiae, perficienda, docet. LEMMERIVS et HOMBERGIVS materiam lucis vocant; MEYERVS et WIEGLEBIVS Acidum pingue, s. materiam lucis acido iunctam. Et de proprietate eius adhuc lis est inter magnos viros. Inter hos decidere, tironis non est; nec de denominatione eius litigiis nos immiscebimus, quare particularum ignearum voce vsi sumus; sufficit nobis, esse quid, quod ex igne accedit, cuius qualitates vltioribus experimentis euincendae.

F 2

OB-

*fff*) Annon confirmat metalli citior fusio, si iam fuso metallo ini-

tur, quam si solum igni exponitur.

Cum olim circa solutiones et praecipitationes metallorum occupatus essem, etiam stanni ad varia menstrua rationem exploraui, ubi id a quibusdam solui, ab aliis tantum ex parte erodi vidi. Tentaminum horum vnicum duntaxat adducam, ob singulare phaenomenon, quod in illo obseruaui. Addidi scilicet Aquae Forti concentratae tantum salis culinaris, quantum necessarium erat ad talem aquam regiam producendam, quae stannum perfectè, sine subsidencia minimae particulae a), soluere possit. Ob concentrationem menstrui parua, particulam stanni quauis vice ingerebam, nec noui quid adieci, nisi prius

a) Quoties enim particulae quaedam calciformes remanent, proportio inter acidum nitrosum et muraticum rita non est; sed illud abundat, si calx alba, hoc, si nigra relinquitur.

prius totum solutum fuerit. Toto labore per aliquot dies durante, orificio phialae madida vesica tecto, ad impedendam menstrui euaporationem, obtinui solutionem saturatam, coloris flauī ad rubedinem vergentis, seu, vt KVNCKELIO *b)* placet, colubri. Quod nil fumi flauī, me absente, auolauerit, inde scio, quia cum solutione auri pulcherrimum colorem purpureum produxit. Conseruaui ad vsum vitro optime clauso epistomio vitreo et cera, nec vnquam aperui vitrum, quod reposueram in locum frigidum, vbi duos annos stetit in quiete, quo tempore duabus vicibus obseruaui, me posse vitrum inuertere solutione immota, succinum pellucidum flauum solidum acmulante. Plures vidi fluidum, etiam hyeme, eiusdem coloris. Rarissima est obseruatio, fluidum mutari in solidum, et vice versa, sine ablatione vel additione cuiusdam particulae. Frigus enim in culpa esse nequit, quia aestate quondam coagulata vidi, et hyeme fluidam, licet etiam vice versa. Neque in menstruo quaerenda mihi videtur causa, quum plurimum eodem tempore factarum solutionum, quaedam vti extractio per aquam fortem eandem mutationem subirent, modo quod haec alba diaphana maneret. Nec in stanno adhi-

F 3

bito

*b)* Laborat. chym. p. 383.

facta, et denuo coagulata ac liquida-euasisit? Si euidam simile quid contingat, forsan causa huius phaenomeni detegetur quae mihi adhuc ignota est.

---

## OBSERVATIO IV.

TERRA FVLLONVM HIDDESEENSIS.

---

Satis magnum numerum argillarum Pomeraniae Suecicae et Rugiae collegi, lotione ab admista arena etc. depuravi, quo possem menstruis, igne etc. indolem earum explorare; nec ullam inueni alteri perfecte in omnibus qualitatibus plane similem. Ex his tantum cinereae

---



nereae cuiusdam argillae ex Insula Hiddensee mentionem faciam, e qua lota cum figuli arte olla quaedam esset formata, haec aëre exsiccata fere alba apparuit. Tentandum iudicaui, num haec argilla ante indurationem per ignem figuli, vitro saturni pulverisato, e cinere saturni et arena colliquato, lege artis conspersa, durante ignitione in figuli furno, hoc vitrum decenter posset recipere, eoque decenter incrustari ad usum oeconomicum; quod nonnullis argillis peculiare esse solet, licet aliae vitionem in furno requirant antequam dictum vitrum in fluxu illis sit valide adhaerere possit. Post decentem figuli vitionem autem vitrum saturni non defluxerat, sed omne evanuerat. Omne vitrum in auras auolare potuisse, impossibile censeui. Olla tantae albedinis erat, quantam ante vitionem in figuli furno obseruaueram. Cogitavi vitrum intrasse totam argillae substantiam, quae inde lapideam duritiem sine dubio habitura fuisset. Sed cum olla diffingeretur, minima vi cohaesio argillae vincebatur, et minorem duritiem in igne acceperat quam in eodem aliae argillae figulinae solent. Breui, vidi argillam hanc neutiquam ad vasa figulina inseruire posse; sed aliis experimentis vidi hanc argillam praecipuis a) notis terrae fullonum pollere;

a) quas enim quidam ut characteres terrae fullonum adducunt, maior durities minorque in pasta cum aqua ut redigatur pronitas, et alcalinae terrae

sumtuosum est; aliorum inquisitioni relinquo, an aquae terrae fullonum similem habitum ostendant ad ignem furni figuli, nec ne; id quod minori quantitate argillae, minimisque impensis explorare liceat, et viam panderet ad generaliores theses mineralogicas.

Hac occasione in memoriam reuoco argillam quandam Bornholmensem rubram, ad Bolum armenam fere colore accedentem, quam cum aliis ex eadem Insula alatis lotione, formatione, vstione in furno et ante follem tractaui; haec rubedinem suam in igne conseruauit, adeo ante follem, et vi ignis simul pari gradu resistebat quam aliae argillae albae-apyrae dictae. Vnde haec argilla apyra esse potuit, cum colorem argillarum rubentem vel flauum in igne persistentem ab admixto principio martiali deriuare soleant Chemici? Tunc vero ob huius

rae portio admixta, insufficientes sunt, terra fullonum esse, cum abesse vel deesse possint et tamen



huius principii admiftionem, exemplo aliarum argillarum lutearum vel rubrarum, igne fortiori in vitrum tranfire debuiffet. Ergo eiusmodi color fine principio martiali erit explicandus. <sup>(1)</sup> Bituminosae f. phlogifticae particulae tingentes argui nequeant ob colorem in igne peristentem. An ad alius metalli partes refugere licet?



## OBSERVATIO V.

### DE SALINIS QVIBVSDAM.

---

Cum olim intenderem falinarum indolem explorare, proficifcebar *Sülz*, oppidum Megapolitanum. Machinas, quibus antliarum ope muria e fonte in altum tollitur, et ante coctionem euaporatione concentratur, non sine magna animi delectatione contemplatus sum. Ipse e fonte falinarum aliquot libras haufi et in vitro puriffimo Sundiam mecum abftuli. Redux Sundiam, tranfeundo Pomeraniae oppidum *Richtenberg*, ibi quoque

G

que

Sundiam attuli. Cuiuslibet dictarum muriarum tantum, quantum capit mensura duas libras colonienfes aquae destillatae, in temperato aëris calore, recipiens, euaporavi in vasis vitreis latioribus, in athanore, calore lenissimo. Obtinui e muria Sülzensi Salis siccī  $4 \frac{1}{2}$  r<sup>l</sup>, e Richtenbergensi  $1 \frac{1}{2}$  r<sup>l</sup>, e Gryphiswaldensi  $3 \frac{1}{2}$  semuncias colonienfes. Gryphica muria suppeditavit Sal candidum, binae priores autem fuscum. Salinas Sülzenfes considerans observavi muriam in aedibus gradatoriis concentratam colligi et asseruari in cisternis, ex asseribus ligneis compositis, donec coquatur. Observavi cisternas has obductas crusta fusca ochracea. Vidi hoc Sal venditum Sundiae, album quidem, sed non adeo candidum, quam quod Gryphiae paratur, vel ex Anglia affertur, citiusque deliquescit. Etsi in vsu oeconomico sanitas hominum hac imperfectiōe non laedatur, manet tamen sal non summa puritate praeditum; quod vitium, an corrigi possit, est res vltioris indaginis. Gryphica autem muria nullis peregrinis partibus impraegnata, candidissimum purissimumque Salem, necessariis cautelis adhibitis, suppeditans, amplificatis iis, quae  
ad

ad gradationem pertinent, thesauri Pomeraniae nomen meretur, etsi non sit concentratissima.

---

## OBSERVATIO VI.

OLEVM VINI AQVAM CONTINERE  
POSSE.

---

**O**leum vini, vel, vt alii vocant, oleum vitrioli dulce, quia innatat aquae, et super aquam fufum e longinquo a candela flammam capit, videtur nullo modo cum aqua miscibile esse. Sed accendatur v. g. in cochleari minori. Si in superficie, praesertim in margine, cochlearis tempore deflagrationis obserues bullulas aëreas natantes, certus esto, absoluta deflagratione, te aliquot guttulas aquae acidulae obseruaturum esse; sed nunquam sine hoc signo praegresso.

---

OBSERVATIO  
AVRI ET ARGENTI IN IGNE PER SAL  
MIRABILE GLAUBERI SOLVTIO.

---

**M**ediantē Sale mirabili Glauberi tam aurum, quam argentum, in tigillo fusione solui posse, experientia edoctus sum. Hoc respectu esset res maxima consideratione digna. Dolendum solummodo est, quod leuissimo errore commisso, igne paullulum validius aut diutius iusto applicato, penetret tigilla, sicuti aqua spongiam. Notandum, quod maiorem in soluendo habeat affinitatem cum argento, quam auro. Aurum hoc sale solutum rubri coloris puluerem repraesentat. Si argentum igne fluat in tigillo, eique fluenti adiiciatur dictus puluis ruber, sal relinquit aurum, et contra aequalem circiter argenti partem transmutat in corpus scoriis simile; residuum argenti in se recipit aurum a sale dicto relictum. Si argentum istud aqua forti soluatur, relin-



relinquetur aurum sub forma calcis, quod reductio calcis docet. Si neque scoriae, nec dictus pulvis auro impraegnatus in fluxu adiectus examinentur, crederet spectator, pulverem adiectum posse argentum in aurum transmutare.



## OBSERVATIO VIII.

### COHOBATIO.

---

**C**ohobatio est talis mutationis liquorum destillatorum modus, quo illi, mediante repetita in corpora fixa seu volatilia refusione et denuo iterata abstractione, vel figuntur, vel novis aut maioribus viribus imbuuntur et exaltantur. Distingui potest; in analyticam, quatenus hac operatione fixa volatilia redduntur et a terreis capitis mortui partibus separantur. Synthetica autem est, quatenus hac operatione volatilia figuntur, hinc principia separata coniunguntur, et sibi inuicem assimilantur; dum, si volatile nunc figatur, quicquid

quam sub minori caliditate, ut in minori  
nes breuiori tempore praestandas, quae alia via nisi im-  
possibiles essent, tamen ob diuturnas digestiones, cir-  
culationes etc. more veterum, longissimum tempus  
requirerent. Si velis fixa volatilia reddere, recipe vo-  
latis v. g. partes sex vsque ad duodecim, ac vnam fixi;  
nunquam fiat cohobatio ad siccitatem, sed solummodo,  
donec fixum relinquatur sub consistentia olei; sed a lenis-  
simo igne incipiendum, et quo saepius repetitur coho-  
batio, eo magis intendatur ignis, et tandem maximus  
gradus applicetur, qui mensurandus pro constitutione  
subiecti. Quod tunc in capite mortuo adhuc restat,  
extrahitur, depuratur a terra mortua, et in sal coagula-  
tur, et cum illo denuo nouae instituuntur cohobationes  
dicto modo, respectu gradu ignis, donec fixum sal vo-  
latile factum sit. Si vero hac operatione volatilia fige-  
re velis, opus est corpore fixo conueniente, cuius cir-  
ca sex partes ad volatilis liquoris vnam partem recipi-  
endae; liquor abstrahatur semper ad siccitatem; in  
prioribus cohobationibus leniori, in subsequen-  
tibus intensiori, ignis gradu vtendum. Hoc modo, equidem  
labo-





laborioso, saepe obtinentur res summae virtutis, quas omnes, quo minus enumerem, brevitatis scopus propositus vetat.




## OBSERVATIO IX.

### METHODVS GRADVM CONCENTRATIONIS MENSTRVORVM DETERMINANDI.

---

**S**i operationes chemicas semel institutas eodem cum successu semper iterare velimus, necesse est, vt omnes ad illas peragendas necessariae encheireses, et requisita probe determinentur. Haud parui momenti est gradus concentrationis menstruorum, praesertim spirituum acidorum et vrinosorum, aliorumque, quorum tamen concentrationem, qui processus chemicos describunt, auctores vel plane non, vel saltem ancipiti tantum et fallaci modo determinant. Determinatur vero optime determinata eorum grauitate specifica. Bilanx optimae  
notae,

gustioris colli, in quo collo linea transuerſaſus linac ſpe-  
formata, indicans, vitrum, vsque ad hanc lineam aqua  
deſtillata in calore temperato repletum, continere quan-  
titaſem vni marcae coloniensi pondere aequalẽ; vel,  
ſi minor quantitas placet, dimidia, aut ſemuncia;  
ſunt requiſita ad grauitatem ſpecificam fluidorum deter-  
minandam neceſſaria; quibus commodiſſime ſequenti  
modo vtendum. Repletur vitrum vsque ad lineam di-  
cẽam liquore ponderando, qui per diuerſas horas in  
aẽre temperato ſtetit, et libretur; ſic commodiſſime  
determinatur eius grauitas ſpecifica. v. g. Quantitas,  
ſpatium, quod vna marca coloniensi aquae deſtillatae  
repletur, implens, Olei vitrioli Nordhufienſis, indigo  
optime ſoluentis, pependit  $30 \frac{1}{2} \frac{1}{8}$  ſemuncias; Angli-  
cani,  $29 \frac{1}{2} \frac{1}{8}$  ſemunc. Aqua fortiſ ( argentum folia-  
tum ſine calore ſoluens, lamellatum autem craſſitie  
chartae ſine calore duobus diebus non ſoluens, ſed in  
leni calore quem manus perferre poteſt, dimidiam ſui  
partem ſatis breui tempore ſoluens ) idem ſpatium oc-  
cupans pendebat Marcam vnã et  $5 \frac{1}{2} \frac{1}{8}$  ſemunc. Ea-  
dem aqua fortiſ tam diu ſoluit mercurium, cui ſuperfu-  
ſa,





sa, sine caloris applicatione, donec tota in crystallos abierit, quae calore denuo fluidae redditae, quadruploue aquae destillatae dilutae non denuo concrescunt, sed solutae tenentur. Hoc modo commodissime semel annotatos effectus determinatos huius vel illius menstrui semper, quoties volupe erit, in vsum meum conuertere possum. Saepe scribunt auctores, etiam artes docimasticae peritissimi, solui hoc vel illud corpus in hoc vel illo menstruo; sed dolendum, quod, etsi secundum effata summorum virorum operationem instituamus, res non semper succedat ob iusto maiorem concentrationem vel debilitatem menstrui, quam non determinarunt. Hinc historiae solutionum et praecipitationum haecenus typis expressarum valde emendari possunt, sed non nisi immenso labore.





# OBSERVATIO X.

## ARENA FERREA RVDENSIS.

**N**um ferrum nativum existat, de eo adhuc lis est inter auctores mineralogicos <sup>a)</sup>. Quae externo splendore ferrum maxime referunt, ut mica ferrea (*Eisenmann*) etc. ut plurimum arsenicales sunt minerae, et pessimae indolis ferrum dant, scil. quod quidem facile funditur, at frigidum facillime frangitur (*Kaltbrüchig* vocant). Propius accedunt retractoriae minerae, scil. quae a magnete trahuntur. Sed nec hae verum ferrum sunt, sed adhuc quadam portione sulphuris pollent, unde malleabiles non sunt. Pertinet ad has arena, quae in *Insula der Ruden* dicta, inter Rugiam et Pomeraniam sita, invenitur variis coloribus imbuta. Cribri ope ex illa separari

<sup>a)</sup> Vidi in Museo Celeb. *BÜTTNERI* varia specimina sub ferri nativi nomine missa; praesertim notabile est, quod e *Hallia* accepit specimen *Schmalkaldense*, cuius forma

determinata sub-trigona et textura lamellosa probabile reddunt, artefactum non esse. Reperiri dicitur in minera ferri lapidea III. *VOGELII Min. Syst.* p. 177.

parari potest facile dimidia pars particularum lamellofarum, quae ignem nondum expertae a magnete trahuntur; quare etiam ope magnetis ex hac arena colligi possunt. Similem arenam vidi a Dobberan, haud procul a Rostochio distante, Sundiam missam; aliamque Tornoënsensem in collectione Celeb. BÜTTNERI. Vidi ibidem mineram e Dannemora Sueciae missam, etiam retractoriam particulis simillimis constantem, calcareis partibus immixtam, hinc cum acidis efferuescentem. Si ponamus, in fundo maris adesse venas talis minerae, illius particulae motu maris separatae et cum arena mixtae in litus reiectae talem arenam constituerent. Ceterum optimum inde ferri parari posset, cum ab arsenico prorsus liberum sit; et quod parcum illi adhaeret sulphuris, addita terra calcaræa, in fusione absorberi posset, alioquin enim euasurum, quod candens fragile esset, (*rothbrüchig* vocant).



## OBSERVATIO XI.

## AQUAFORTIS VIRIDIS.

**B**ASILIVS VALENTINVS describit aquam fortem ad cuius praeparationem quoque viride aeris adhibuit. Institui debitis cautelis quondam processum, et obtinui spiritum nitri eleganti viriditate superbientem. Putavi forsan aliquid aeruginis conspurcasse collum retortae figulinae, quod cum spiritu transuerit in recipiens. Rectificaui ideo illum per retortam vitream, rostrum intermedium et vas recipiens pariter vitrea, lutumque quod in usum vocaui constabat e puluere purissimi steatitidis *a*) cum oleo lini in pastam malaxando reducto *b*), vasa-

*a*) Versuch einer neuen Mineralogie (auß. CRONSTEDT) §. 80. III. VOGELII *Practisches Mineral-System* p. 100. TALCVM Smeitii LINNE Syst. Nat. XII. Tom. III. p. 52. Vfus sum specie Noruegica cinerascenti, quae igne albissima euadit, nullaque mica nec metallicis partibus

mixta est.

*b*) hoc luto semper vfus sum in distillatione spirituum acidorum, vbi omnibus praefendum est, dum adeo spiritus salis penetrantissimos vapores coerces, vt ne quidem naribus iuncturae proxime admotis odor vllus perci-

vasaque erant purissima, et retorta ita in catino furni posita, vt ne vnica quidem particula spiritus ebulliendo ad supremum ventris profiliens in collum defluere posset, sed soli vapores eleuati collum intrarent; et per infundibulum vitreum longissimo tubulo instructum ingerebam prouide retortae spiritum rectificandum. Sed absoluta destillatione denuo apparuit liquor amoenae viriditatis, quae Spiritu vrinoso affuso mutabatur in saturate caeruleum colorem. Apparet itaque, haud diffculter metalla cum acidis spiritibus destillando transvehī posse.

## OBSERVATIO XII.

### SAL MEDIVM IN CINERIBVS CLAVELLATIS.

**M**odus parandi cineres clauellatos venales optimos omnibus notus est. Incinerantur scil. ligna, inter quae duriora praestant. Cineribus superfundunt

H 3 aquam

percipiatur; quod lutum sic dictum perpetuum Dippelii (quod e puluere laterum coctorum et oleo lini paratur) ceteroquin notorum lutorum in

hunc finem optimum, minus praestat, et minus commode adhibetur cum calore colli retortae deliquescat et defluat.





aquam frigidam, vt extrahant sal lixiuiofum, cui adhuc partes inflammabiles quaedam adhaerent, ab alcali contra vim ignis ad tempus defenfæ. Cum vero lixiuium poſtea vi ignis et inde produæta euaporatione denuo fit coagulandum, neceſſitate coguntur artifices, vt tantum quantitatem maxime neceſſariam aquæ pro ſolutione affundant, i. e. nullum lixiuium ad euaporationem eligunt, quam quod ſumme concentratum, vt ouum recens innatans nunquam fundum petere poſſit; ſi enim minoris grauitatis ſpecificæ, adeoque minus concentratam ſolutionem in uſum vocarent, inutiliter tempus, ignis pabulum, labores, hinc ſumtus eſſent impenſuri. a)

Iam ſi quæ in cineribus inter partes alcalinas latuiſſent ſalia media, nondum in alcali verſa, vti tartari vitriolati ſpecies, hæc in hanc frigidam ſolutionem recipi non potuiſſent ſimul, præſertim ob ſummam hanc concentrationem, nec aliud ſal cognitum poteſt in hæc ſolutione abſcondi. Ergo fieri nequit, vt in hoc lixiuio igne coagulato reperiatur tartari vitriolati ſpecies. Experien-

a) affundunt quidem ſecunda vice denuo aquam frigidam; ſed hanc ſolutionem debiliorem aſſeruant, vt poſtea recenti cineri affundant. Poſito hanc, cum concentrata non fit, ſal medium ſoluiffe, tamen id in futura concentratione ruriſus decidere probabile eſt.



perientia autem contrarium docet, scil. quod semper magna quantitas salis medii, Tartaro vitriolato analogi, e cineribus clauellatis venalibus albis optimis, instituta denuo in aqua frigida solutione, secerni possit. *b)* Quaestionem non nisi hoc modo solui posse iudico: Quando dicta solutio in siccum sal coagulatur, hoc fit squalidum coloris adhuc cinerei, nec satis siccum. Hac ratione coacti artifices ad dicta vitia remouenda frustulatum hoc iniiciunt furno reuerberatorio *c)*, ubi flamma hoc subiectum lambit, modo fusionem praecauent, et satis diu igne applicato extrahunt frustula sicciora alba, quae in doliis provide clausis venduntur. Hoc album sal est, quod copiosum sal tartaro vitriolato analogum, vt dixi, continet. Hinc colligendum videtur, genesis huius salis ita explicandam esse, vt quaedam particulæ salis alcalini acidum e flamma lambente recipiant.

### OB-

*b)* Simile sal videtur quod **BOERHAAVIUS** ex solutione cinerum clauellatorum, sed *calida* aqua instituta, crystallisatum obtinuit. *Elem. Chem. Lond. 1732. 4to T. I. p. 396.*

*c)* vtuntur furno ex lateribus structo, interna cavitare furnum vulga-

rem in quo panis coquitur referente, quem iniectis lignis calefaciant, donec fere candescat; tunc glebas salis alcalini iniiciunt, et ante ostium furni ignem alere continuant, vt flamma furnum intret, in illo circuletur, adeoque sal alcalinum lambat; quod spiracula aperta promouent.



# OBSERVATIO XIII.

## DE SPATHIS.

**S**patha basi calcarea, textura lamellosa, fragmentis plus minus rhomboidalibus, figura determinata varia, habitu ab aliis lapidibus crystallifatis facile distinguenda, merentur, quae in Classe Calcareorum specialem Ordinem constituent, si in diuisione fossilium ad habitum externum simul respicere placet. Genera, ut reliquorum quae sub Classe Calcareorum comprehenduntur, varia pro diuersa partium constituentium indole et mixtione. *Calcarea*, e terra calcarea purissima crystallifando nata; forma determinata varia, cuius species praeter Ill. a LINNE a) WESTFELDIUS b) describit, nimirum eas, quas Hercynia suppeditat; *Gypsea*, terra calcarea acido vitriolico saturata constantia,

a) in *Syst. Nat.* et *Annot. T. I.*

b) *Mineralogische Abhandlungen*.  
6. Abh.







tia, crystallis prismate hexaedro, duobus lateribus oppositis latoribus, apicibus cuneatis; aliaque. Attentionem inter ea merentur, quae Fluores dicuntur, quo sub nomine duplex vulgo intelligi solet spathorum genus; alterum leuius, lucem attrahendi vi non imbuendum, ast certo caloris gradu phosphorescens, fragmentis et figura determinata ut plurimum cubicis, quod quoque *Spathi vitrei* nomine insigniri solet, cuius species plures *Cronstedt c)*, enumerat; quibus forte addendae, quas nuper e Saxonia accepi, duae species, altera amethystini coloris perfecte cubice crystallisata, altera flauo tincta singularis formae, qualem Fig. 11. exhibet; has magnesiæ continere, et ibi ad vitrum dealbandum adhiberi, affirmavit is, a quo illas accepi; cuius autem veritatem experimentis indagare nondum potui, cum speciminibus his sine figurae destructione nil demendum esset, nec paruitas eorum experimentis instituendis sufficeret; quare tantum ex externis signis diiudi-

c) *Versuch einer neuen Mineralogie* §. 97. seqq. peculiarem inde constituit sectionem, et calcareis associanda negat, dum nullae particulae calcareae ex iis haecenus educi potuerint, et in fusione effectus producant terris alcalinis numquam tri-

buendos; cum tamen, quod ipse fatetur, nondum in principia constitutionis sua ea resolvere calleamus, suadente toto habitu licebit ea sub calcareorum classe tradere, donec mixtio eorum clarius pateat.

Alterum vero sub *Marmoris metallici* nomine notum, quoscunque lapides non metallicos gravitate specifica superans, calcinatione debitis encheiresibus instituta in magnetem lucis mutabile, textura lamellosa, crystallis, ut statim dicetur, singularibus; equidem a CRONSTEDTIO d) gypso spathoso annumeratur; ob terram calcaream et acidum vitriolicum, utriusque communia, attamen ob argillaceas quas praeterea continere MARGRAFIANA e) experimenta docent, maiorem acidum vitriolici proportionem, et insignem gravitatem, quam omne gypsum superat, aliasque proprietates, similiter a Gypso distinguendum, et proprio genere tradendum videtur, quam marga quam ob admixtas argillaceas partes proprio genere recenset. Formam eius determinatam Ill. a LINNE exhibet; differt vero ab illa, quam in omnibus speciminibus, quae hactenus videre licuit, observavi, paullulum, quare delineationem iuxta specimina, quae Cel. BÜTTNERVS perfectissime efformata possidet, factam exhibeo, quae in eo a LINNEANA differunt, quod latera utrinque bis obliquata sint.

Varie-


d) l. c. §. 18. 19.

e) Proprietates, partes constitutivas, et modum, quo facultatem lu-

cem attrahendi nanciscantur, vberissime exposuit Ill. Vir, in *Chem. Schriften P. II. tractat. IX. et X.*



Varietates hae duae, quarum altera (Fig. 8.) flauescens, altera (Fig. 9.) aquea erat, vtraque Hercynica, tantum in eo differunt, quod anguli in hac magis truncati sint. Exhibet Icon *a* latioris, *b* angustioris superficiei, *c* apicum faciem.



## OBSERVATIO. XIV.

AQVAM DESTILLATAM PVRISSIMAM  
PARARE.

---

**A**qua pura saepissime indiget Chemicus. Destillatione eandem parari in vulgus notum est, Sed aqua marina per se destillata retinet aliquid peregrini, forsan bituminosi, quare sitim non extinguit, licet sale muriatico, quod antea continuerat, orbatum; et ros, itemque pluuia breui ante tonitru collecta facilius, rarius alia aqua pluuiialis vel nivalis, (sed tamen et haec, vtī experientia edoctus sum) in destillatione vasa vitrea findunt. Ergo et in hac non omnes partes deponit aqua

I 2

pere-



bus a), sed facile transeunt cum aqua principia volatilia, salina nimirum et phlogistica. Optime sequenti via incedes:

Collige niuem, vel, illa deficiente, frigida et ventosa tempestate pluuiam, cautelis munditiei spectantibus decenter obseruatis, filtra per duplicem chartam typographorum. Repone aquam collectam per totam aestatem subsequenter sub tectum domus, in vitris cylindricis s. conserualibus, charta oclufis. Hoc modo contentae volatiles partes in aërem disperguntur, vel figuntur et secedentes ad superficiem formant cuticulam, tandem decidentem. Haec aquae filtretur, destilletur: quod commodissime fit ex retorta vitrea tubulata, in furno ita locata, vt particulae aquae coëctione ad superiora ventris retortae salientes, collum intrare nequeant, sed sub vaporum forma solummodo transire possint. Retortae applicetur vitreum rostrum intermedium. Recipiens vas vitreum quoque epistomio vitreo instru-

a) aqua nivalis ad siccitatem destillata reliquit terram albam, quae siccò aëre fere siccata erat, humido deliquescebat, et sapor in lingua

producebat, ergo salini quid continebat; quam aliae aquae aëreae relinquunt, obscurioris coloris est.




instructum esto. Notetur in recipiente punctum, determinans altitudinem superficiei quartae partis aquae, vnica vice retortae infundendae. Commisuris lutatis infundatur aquae quadruplum mensurae dictae; sed tertia pars retortae maneat vacua. Destilletur lenissime *b)* quarta pars aquae in retorta praesentis, siphoneque euacuetur recipiens, et haec separatim conseruetur sub signo Num. 1.; subsequens quarta pars mediocri igne destilletur et sub Tit. Num. 2. asseruetur. Tandem eadem quantitas tertia vice obtenta modico igne quoque sub Tit. Num. 3. asseruanda. Residua quarta pars, vasis refrigeratis, ope siphonis e retorta educitur, quae tunc aqua destillata eluenda. Sequenti die, antequam vesicae, quibus vasa lutata sunt, ab humiditate aëris emolliantur, et earum cohaesio cum vitro minuatur, denuo destillationem repetere poteris, et sic quotidie destillando copia aquae destillatae obtineri potest, quae tamen ante usum semper per duplicem chartam typographicam filtranda; perfecte enim puram nemo mortalium obtinebit. Sufficiet, si nobis sit sat pura ad plerasque operationes. Solutio veneris in aquaforti, vel spiritu

## I 3

salis

*b)* mediocri tantum gradu ebullire debet, et circiter duorum vel trium minutorum temporis secundorum intervallo vna guttula decidere.

ians ammoniac concentrato, 1, 2, 3, affusa considerantur post aliquot dies. Si solutiones ante affusionem limpidae fuerint, et aquis destillatis, 3, affusis limpidae permanserint, nullaque facta praecipitatio, talis aqua destillata sat pura erit ad plerasque operationes. Indagatio per oleum tartari per deliquium, simili modo instituta, quoque non erit reicienda.



## OBSERVATIO XV.

DE DVOBVS NOVIS SALIBVS METALLICIS.

**N**oua inuenta in Chemia describere nunquam inutile videbitur, licet vsus eorum nondum indagatus sit. Tradam itaque hic descriptionem duorum salium metallicorum, casu obtentorum, quae nondum a quoquam memorata noui, hinc licet exigua eorum copia obten-  
ta



ta ulterius examen non permiserit, tamen digna, quae cognita reddantur, existimo.

Alterum illorum obtinuit Celeb. BÜTTNERVS ex atramento sympathetico; paravit illud e purissimo Cobalto metallici splendoris, (*Stablderbe* vocant) quod spiritu nitri soluit, aqua diluit, tunc ebullire sinit, sensim adiecto sale muriatico, donec viror amoenus apparuerit, quo facto ad consistentiam mellaginis evaporavit; cui affusa aqua, illam soluens, rubella euaserat, et quantitas circiter vnciae dimidia diu asservata dedit tres crystallos elegantissimas, lateribus exactissimis, splendore et regularitate quarzum arte politum mentiens.

Figura vnus crystalli sequens est: *Corpus*. Prisma tetraedrum, lateribus hexagonis, duobus oppositis maioribus; quorum alterum, ubi crystalli parietem vitri tetigerunt, fossa oblonga (*c*) excauatum est. *Apex*. Pyramis e lateribus quatuor pentagonis, truncata, superficie truncati apicis quadrangula (*d*).

Ita definiui ex vnus crystalli vno apice perfecte efformato; alter enim, qui in Iconibus (*a b c*) inferi-

OR

poris latiorum (*a. c.*) angulus inferior truncatus est, et superficies apicis adhuc hexaedra (*e*). In ceteris duabus crystallis deficit apex, vti linea transversali punctata (*x. y.*) notavi. Cum vero in perfectiori illa apex adsit, hinc definienda erit figura huius salis. Qualis sit indolis, coniecturis certe euinci nequit. Metallicum sal certe est; et medium ob alcali et acida ingredientia. Num vero solum acidum nitrosum, aut muriaticum, aut vtrumque illi insit, determinare nequeo; Crederes acidum muriaticum vtpote debilius nitroso expelli; Sed dissuadet excavatio (*c*) salis muriatici crystallis peculiaris, quae in nitro cubico non reperitur. Forsan est sal decompositum ex vtroque acido, alcali minerali et partibus semimetallicis cobalti.

Alterum est, quod III. VOGELIO aestate elapsa oriebatur. Docbat nos nimirum III. VIR in Collegio Chemico Experimentalis praeparationem Kermis mineralis, et quidem sequenti modo. Recepit Cinerum clavellatorum *a*) vncias sex, soluit aqua fervida, filtrauit, immi-

*a*) Adhibitus fuit a veteribus, et adhuc hodie in Dispensatoriis praecipitur liquor nitri fixi, cum vero hic duntaxat Kermes minerale faciat quantum lixivium alcalinum est, et longe maiori pretio veniat, praestet loco







immisit lebeti figulino vitreato ; adiecit antimonii pulverisati vncias tres ; super prunas ebullire fuit ultra horam dimidiam , perpetuo spatula lignea agitando ; lixivium feruidum per filtrum colabatur in discos murrinos , vbi simulac refrigerabatur , pulvis tenuissimus e brunneo rubens fundum petebat. Neglecta pulveris huius a liquido innatante separatione , post aliquot dies omnis pulvis evanuerat , et hinc inde in disco aderant crystalli salinae , parum lapidae , difficiliter in ore deliquescentes ; tunc autem saporis ad muriaticum quodammodo accedentis vestigia relinquentes. Figuram certe determinare nequeo , cum pleraeque indeterminatam habeant ; reperi tamen inter eas , quas perlustrandas Ill. Vir beneuole permisit , vnam exacte formatam , quae prismate hexaëdro vtrinque truncato constabat. Quale hoc sal sit , determinare si velimus , ingredientia in censum veniunt. Aderant in disco lixivium alcalinum , et pars sulphurea antimonii. Haec cum evanuerat , puto , phlogiston sulphuris auolasse , et acidum eiusdem cum lixiuo alcalino vnionem iniisse , et ita cum eo sal medium constituisse , quod Tartarus vitriolatus , vel potius  
Sal

co eius cineres clauellatos adhibere , ge minoris emi possunt.  
qui eundem effectum edunt , et lon-

K



exaëtiſſime reſpondentes, primate hexaedro, apicibus duobus pyramidem hexaedram, lateribus in punctum coeuntibus, efformantibus, dat. Forſan autem haec mutatio particulis Stibii regulinis in Kerme minerali praefentibus *b)* tribuenda, quae huius ſalis mixtionem ingredientibus, decompoſitum id reddiderunt, Tartarum vitriolatum antimoniatum, ſi placet, dicendum.

Nouo hoc phaenomeno incitatus repeti experimentum domi et eadem proportionem obſeruata, iterata affuſione lixiui alcalini et coctione cum illo aliquoties. ex eadem portione antimonii Kermes minerale paraui. Nondum autem ſucceſſit mihi tales cryſtallos obtinere: ſine dubio ob quasdam encheireſes neglectas. Interim ſubnatum mihi inde propoſitum, alia quaedam experimenta inſtituendi. Obſeruauimus ſcil. Kermes vltimae coctionis, niſi maiori, ſaltem eodem rubedinis gradu polere,

*b)* vid. Macquer *Anfangsgründe der Praktiſchen Chymie*. p. 316.

lere, quo id, quod prima obtinueram coëctione. Conclusionem inde feci, cum in quavis coëctione, ob sulphuris educationem, proportio eius ad semimetallicam antimonii substantiam minuatur, forsan in sequentibus maiorem regulinae partis copiam simul solui, et hinc colorem exaltari. Incitatus itaque ad regulum antimonii cum sulphure vario modo combinandum, legens WIEGLEBII Observationem de colore Cinnabaris in Obs. I. I. da nostra citatam, ibique discens ad colorem rubrum e mercurii cum sulphure miscela obtinendum particularum ignearum accessionem requiri, idem hic applicandum putavi, quare sequentia institui Experimenta.

1) Butyri antimonii partibus duabus addidi spiritus fumantis sulphurati Beguini, methodo a WIEGLEBIO l. c. praescripta parati, qui quoque omnia ista phaenomena cum mercurio producebat, partem vnam. Misciebantur sine vlla effervescencia et fundum petebat pulvis ex flauo rubellus.

2) Aquae destillatae vnciae dimidiae instillaui spiritus Beguini dicti guttulas decem, addidi butyri antimonii guttulas viginti et praecipitabatur pulvis similis coloris ac n. 1.

K 2

3) Aquae

qui tamen per additas guttulas quinque but. antim. rursus ad priorem redibat. Praecipitatus pulvis a filtratione siccatus pependit grana tria.

4) Cum but. antim. sine praecipitatione cum aqua misceri nequeat, instillaui guttulas viginti but. ant. guttulis octaginta spiritus nitri concentrati, commiscebantur sine praecipitatione; hanc miscelam diluebam aquae destillatae guttulis ducentis, et limpida mansit; guttatim addidi spiritus Beguini guttulas viginti, et simulac vna guttula incidebat, pulvis ex luteo rubellus fundum petiit. Simili miscelae e spiritus nitri concentrati guttulis quadraginta et butyri antimonii guttulis decem, non dilutae addidi spiritus Beguini gutt. decem, et a quavis guttula accidebat strepitus cum fumo denso et excalescentia vitri, et quod praecipitatum erat, coloris albo-flauidi erat; nec ab affusa aqua color mutabatur.

tur. Ergo a concentrato acido actio spiritus Beguini in regulinas partes stibii contentas impeditur.

5. Antimonii diaphoretici scrupulo dimidio addidi spiritus Beguini guttulas quinquaginta, sed nulla mutatio coloris, nisi quod a colore spiritus flavescebat. Cum vero antimonio diaphoretico spiritum salis concentratum infunderem, ac per nychthemerum digestioni subiicerem, non solum e liquore decantato per additum spiritum Beguini, praegressa efferuescentia, pulvis praecipitabatur, qui initio niger erat, dein rubens euadebat, sed et residuum affuso spiritu dicto similem coloris mutationem patiebatur.

6. E vitro antimonii, addito inflammabili quodam, reduxi regulum. Hunc pulverisatum inieci spiritui nitri concentrato, qui partim ipsum soluit, partim sub pulveris albi forma reliquit; et solutio haec partialis diluta addito spiritu Beguini non minus rubens praecipitatum dedit, et residuus albus pulvis ab illo quoque similem colorem nactus est. Tentavi quoque partem huius reguli in aqua regia, e tribus acidi nitrosi partibus et vna muriatici parata, solvere; cum vero nimis festinarem in adiectione reguli, etiam partialem  
tantum

...cinnabarinum obtinere potuerim, ad quem tamen color  
Kermis mineralis, quod coctione ultra horam continu-  
ata paraui, valde accedit, modo saturatior est. For-  
san similiter e regulo antimonii et sulphure subliman-  
do cinnabaris parari posset; Sed crebris repetitis ope-  
rationibus opus foret, vt sensim quaedam pars regulina  
cum sulphure in altum euehatur, quem laborem, cum  
nunc apparatus desit, alio forsán tempore, si oppor-  
tunitas adierit, tentabo.

---

PRAE-

PRAENOBILISSIMO MEDICINAE CANDIDATO

CHR. EHRENFR. WEIGELIO

S. P. D.

RVD. AVGVST. VOGEL

ORDINIS MEDICI H. T. DECANVS.

---

Cum suetum stadium academicum vix ultra dimidium dimensus sis; longe doctior tamen a nobis discedis, quam multi alii, qui per longe majus temporis spatium arti salutari dederunt operam: id quod equidem in ipsorum opprobrium haud dixero; quippe Tibi multae res aliter ac felicissime quidem contigerunt, dum institutionem a puero nactus es, juxta docile ingenium, idemque sane admirandum, hinc in rebus inprimis ad naturam corporum spectantibus ac in chemica arte, qua Experientissimus Parens Tuus excellit, domi

tionis Tuae documentum exhibet; ~~in non minus~~ in praesenti edis, specimen, quodque gratissimum fore Chemiae consultis, certissime confido. Secundet porro diuinum Numen conatus Tuos, quibus arti nostrae salutari incrementum, Tibi vero famam decusque parare voles. Scrib. in Acad. Georg. Aug. d. XXVI. M. Mart. A. R. S. MDCCLXXI.

---

PRAE-

PRAENOBILISSIMO ATQVE DOCTISSIMO  
ARTIS SALVTARIS CANDIDATO

S. P. D.

IOANNES CHRISTIANVS POLYCARPVS  
ERXLEBEN

PHILOS. D. ATQVE P. P. E.

---

**Q**uantum faciat ad salutare artis medicae exercitium  
philosophiae naturalis accuratioꝝ cognitio ex TVO  
exemplo discant qui spernunt negligentque quae ignorant.  
Quantos scilicet progressus feceris in botanices studio, flora  
edocuiſti quam abs TE habemus pomeranorugica, quantos  
in chemiae nobilissimae artis fundamentis, disputatio inaugu-  
ralis experimenta sistens elegantissima a TE instituta atque  
obseruationes chemicas. Cum igitur in posterum in persaman-  
dis hominum morbis felicissimus eris, egregia meritaque labo-

L

rum




esse me voluisti, qui argumentationibus contra dissertationem  
TVAM doctissimam publice proferendis ingenii TVI acu-  
men TVAMque eruditionem auditoribus ante oculos ponen-  
di occasionem TIBI dabunt; lubentissime officio in me delato  
fungar, eoque lubentius, cum fauorem atque amorem, quo  
me hactenus amplexus es, ulterius et mihi et aliis probent:  
TIBI scilicet me non plane displicuisse iamiam ex inde collige-  
re fas erat, quod collegio meo chemico interesse voluisti. Ut  
vero et absens me amare mihi que fauere velis, vehe-  
menter rogo. Goettingae, d. 25. Mart.

clb bccclxxi.



99 937307



C. C. Weigel fec.

